

Хөөдиннь тохминь ясерулхмн

„Привольн“ нертä совхозин 2-ч фермд ах хөөч болдж Сапаров Зинатулла көдлджәнä. Омнь эн Зинатулла кесг джилдән үкрч болдж көдлдж йовдж. Көдлмшәрн сән чинртäгъяр кӯцасндән джил болгън мөрәлгднә. Тиигәд сәәнәр, ма-лан гару угагъар, таргън-цатхлинь хәләсн учрар, совхозин гардачнр, үр Сапаровиг итк-лтä сән кӯн гигъад, үкрчәснь ах хөөч орулв.

Нидн намр үр Сапаров хур-гълх 874 толгъа хө даадж ав-ла. Хөөдән чинәтәгъяр үвләс гаргъдж, сәәнәр хургълулдж бәәнә. Ода үр Сапаров хургъл-чкесн зун хөөнәс 130 хургъл авсн бәәнә.

Шурӯн нооста хөөдин тох-минь ягъдж ясерулдж болхин тускар кӯундхлә, үр Сапаров нигдж келв:

— Шурӯн нооста хөөдиг, сән тохмта торгън нооста хуц-мудла көг тәвлж, цөөкн джи-лин эргцд торгън нооста хөөдт тохрадж болхмн.

Тим көдлмш йир чинртä керг. Юнъгад гихлә, торгън ноосар мана орн-нутгиг икәр тетгхлә, цуг оln-әмтн, сәәхн, шеемг хувц үмсдж кеерх зө-втә. Тер учрар, шурӯн нооста хөөдин тохминь ясерулдж, улм икәр торгън ноос авхин төлә кӯчтә кевәр ноолдх кергтә.

АНДРАН Б.